

փայտե կոթուներն: թշտիկի մի մասը ուղիղ է, որը հարվածելիս մտել է ձկան մարմնի մեջ, իսկ մյուսները՝ կեռված տարբեր կողմեր, որպեսզի ծուկը մտա այդ կեռերում և չքույնի ջուրը: Թշտիկի մասերի Ֆայրերն ավարտվում են ձկնորսական կարթերին հատուկ կեռիկներով: Թշտիկով որսած ձկները բոլորից համեղն են:

3. Սևանի և Կամոյի շրջաններում կիրառվել են նաև գետի մյուս-  
ընկերակցով, ձեռքով, բահով, թարփ-տանգով /կողովի կատարելագործ-  
ված ձեռք/ և այլ միջոցներով իրագործվող ձկնորսության ձևերն ու ե-  
ղանակները, որոնք, սակայն, համատարած կիրառություն չեն ունեցել:

4. Ավաղով, լենդր-սիզգայով, բահով, խշտով և թարփ-տանգով կա-  
տարվող ձկնորսության ձևերն ավելի ուշ շրջանի երևույթ պետք է հա-  
մարել, ավելի բնորոշ Սևանի շրջանին, իսկ Կամոյի շրջանի գյուղե-  
րում դրանք չեն կիրառվել /բացառությամբ լենդր-սիզգայի/:

5. Ընդգրկված շրջանների գետային ձկնորսության ժողովրդական ե-  
ղանակները, այսպիսով, զգալի հետաքրքրություն են ներկայացնում և  
դրանց համադրական հետազոտությունը լմային ձկնորսության և Հայաս-  
տանի մյուս շրջանների համանման եղանակների հետ, կարող է նպաստել  
հայերի՝ տվյալ բնագավառում ունեցած էթնոմշակութային հմտություն-  
ների լուստբանմանը, մի բան, որ տակավին արված չէ:

#### ԱՐՄԵՆ ՊԵՏՐՈՍՅԱՆ

,,Վիշապ,, ԲԱՐԱԿՈՅՈՂՆԵՐԸ ՈՐՊԵՍ ՀՆԻԵՎՐՈՊԱԿԱՆ

ԱՌԱՍՊԵԼԱՄՏԱԾՈՂՈՒԹՅԱՆ ԱՐՏԱՀԱՅՏՈՒԹՅՈՒՆՆԵՐ

1. Հնդեվրոպական վիշապամարտի առասպելի ամպրոպի աստծու հա-  
կառակորդ վիշապի անունը կազմվում էր \* uel արմատով: Այլ տե-  
ղում ցույց ենք տվել, որ ,,Վիշապ,, / իրան. *vēšap* / քարա-  
կոթողները հայերեն կոչվել են գեղ < \* uel:

Հմտ. քարակոթողների առավելագույն խտությունը Գեղամա լեռ-  
ներում, Գեղարքունիքում / < ուրարտ. *uelikuri* /, Գեղ լեռան վրա,  
,,Վիշապների,, մի խմբին հարևան ամրոցի Գեղի անունը, վրաց. *gveli*  
,,օձ,, բառը, որը փոխառություն է հին հայերենից, երբ \* u-ն գ  
դառնալու միջանկյալ վիճակում էր, ևն:

2. Քարակոթողների վրա համախ պատկերված է ցլի գլուխ /ցուլը հայ  
և հարևան ժողովուրդների և, ամենայն հավանականությամբ, նաև հին  
հնդեվրոպացիների պատկերացումներում ամպրոպի աստծու մարմնավո-  
րումն է/՝ տիեզերական եռամաս ծառի ձևով փռված ցլի մորթու վերե-

վում, որը համընկնում է հնդեվրոպական առասպելաբանության պատկերացումներին: Հնդեվրոպական վիշապամարտի առասպելի հետագա ծնափոխությունը հանդիսացող արևելա-սլավոնական հմայական աղոթքներում համախ գուզորդվում են ծառը, քարը, բուրդը և օձը: ,,Վիշապ,, քարակոթողների վրա, ի թիվս այլոց, հանդիպում են նաև խոյի մորթու պատկերներ. հմտ. հայ. գիլ- ,,քար,, , գեղմն - ,,բուրդ,, , գեղ- ,,Վիշապ,, , բուրդը ---\* uel-արմատից: Ենթադրվում է հնդեվրոպական բառերի այս շարքը կապված է առասպելական պատկերացումների հետ փոխանունական կամ փոխաբերական գուզանմանությունների ծնով:

3. Արևելասլավոնական, հնդկական /և այլ հնդեվրոպական/ առասպելներում վիշապի պարտությունը սկիզբ է առնում գետերի: ,,Վիշապ,, քարակոթողները գտնվում են գետերի և արհեստական ոռոգման ջրանցքների ակունքներում: Բերված փաստերը վկայում են, որ ,,Վիշապ,, քարակոթողները հնդեվրոպական վիշապամարտի առասպելի հետ կապված պշտամունքի արտահայտություններ են: Նրանց բազմաճյուղությունը կարող է բացատրվել վիշապամարտի առասպելի տարբեր կերպարների, տարբեր աստվածությունների հետ ունեցած կապով և նաև ժամանակագրորեն: Այդ քարակոթողները ստեղծող ցեղերի էթնիկական պատկանելության վրա կարող է լույս սփռել հայկական միջնադարյան բառարանի գեղնի բառի - ,,հայ,, նշանակությունը , որը, ինչպես ցույց ենք տվել այլ տեղում, առաջացել է գեղ /\* uel -/ դիցաբանական արմատից:

## ԵՄՄԱ ՊԵՏՐՈՍՅԱՆ

### ՀԱՅԱՍՏԱՆԻ ՏԻԿՆԻԿԱՅԻՆ ԹԱՏՐՈՆԻ

ԱՌԱՋԱՎՈՐԱՍԻԱԿԱՆ ԱՂԵՐՄՆԵՐԸ ԵՎ ԾԱԳՈՒՄՆԱԲԱՆԱԿԱՆ ԱԿՈՒՆՔՆԵՐԸ

1. Արևելքի ժողովրդա-պրոֆեսիոնալ արվեստում մեծ տեղ է զբաղում հարթ և ծավալային պատկերման տիկնիկային թատրոնը, ըստ որում թե մեկի, թե մյուսի ներկայացուցումներում տիկնիկները գուճավոր են:

Սովորների թատրոնի ծագման մասին կա մի բանի վարկած: Հերոսի անունն Առաջավոր Ասիայում ունի կարագյոզ, կարագազ, կարագիոզիս, Արագոզ, կարկուս, Պեհլևան, Զաչալ տարբերակները:

2. Թուրքիայում ավանդություն կա, ըստ որի XIV դ. ապրել են դարբին կարագյոզն ու նրա բարեկամ քարտաշ Հաջիվաթը: Նրանք իրենց կատակներով խանգարել են Թուրսա քաղաքում կառուցելու մզկիթ, որը պիտի երկնքին հասներ: Սուլթանը երկուսին էլ մահապատժի է ենթարկել: Նմանօրինակ ավանդություն հայտնի է նաև XIX դ. թիֆլիսից: